



Xueves, 28 de marzu de 2024

Cultura convoca 9 premios lliterarios y artísticos en llingua asturiana

- La convocatoria del Premiu *Camaretá al meyor cantar n'asturianu* y eonaviegu ta previsto que se publique nel BOPA
- Los premios sirven pa reconocer, estimular y esparder les obres creaes nes llingües propies d'Asturies

La Consejería de Cultura, Política Llingüística y Deporte convocó los gallardones lliterarios y artísticos que distinguen a les meyores obres en llingua asturiana y eonaviegu en 9 disciplines. Les convocatories de los premios que pretenden ayudar al usu y promoción de les llingües propies d'Asturies publicáronse nel Boletín Oficial del Principáu d'Asturies (BOPA).

Amás, ta previsto que'l BOPA recueya la convocatoria del Premiu *Camaretá al meyor cantar*. Esti prestixosu reconocimientu a la creación musical en llingua asturiana o eonaviegu convirtióse yá en tou un referente del sector musical asturianu.

El plazu pa presentar les creaciones lliteraries y artístiques va permanecer abiertu nos 30 díes naturales. Estos son los reconocimientos impulsaos pol Gobiernu d'Asturies:

- **I Premiu *Pachín de Melás de testos teatrales***. Pueden concurrir obres teatrales orixinales escrites en llingua asturiana y que puedan ser representaes con una duración comprendida ente 50 y 90 minutos. Va poder presentase un únicu testu teatral o un conxuntu de pieces breves. Más información en <https://acortar.link/u8bzwg>
- **IV Premiu *Enriqueta González Rubín de narrativa moza***. Pueden presentase noveles o recopilaciones de cuentos, escrites en llingua asturiana, de tema y estructura llibres que seyan inédites, non premiaes n'otros concursos. Más información en <https://acortar.link/5r6Vky>
- **VIII Premiu *Nel Amaro de teatru profesional***. Pueden optar les propuestas teatrales yá estrenaes y representaes en llingua asturiana o eonaviegu. Más información en <https://acortar.link/TDyDW7>



- **XVI Premiu Alfonso Iglesias de cómic.** Pueden concurrir cómics escritos en llingua asturiana con una extensión mínima de cincuenta páxines. L'estilu, tratamientu y tema va ser llibre. Más información en <https://acortar.link/uAZGX9>
- **XVII Premiu María Josefa Canellada de lliteratura infantil y xuvenil.** Pueden presentase obres de lliteratura infantil escrites en llingua asturiana, pertenecientes a cualquier xéneru. Más información en <https://acortar.link/O6GDeb>
- **XXX Premiu Máximo Fuertes Acevedo de ensayo.** Pueden concurrir ensayos escritos en llingua asturiana con una extensión mínima de cincuenta páxines nos que la so temática, xéneru y estructura son llibres. Más información en <https://acortar.link/NNfOeH>
- **XXX Premiu Xuan M.^a Acebal de poesía.** Pueden presentase poemarios escritos en llingua asturiana con una extensión mínima de 25 poemes o, de ser una cantidá inferior de poemes, con una extensión mínima de 400 versos. Más información en <https://acortar.link/jflzXD>
- **XLV Premiu Xosefa Xovellanos de novela.** Pueden concurrir noveles escrites en llingua asturiana. Han ser orixinales y el tema y la estructura son llibres. Más información en <https://acortar.link/MK44D3>
- **IV Premiu Florina Alías a la meyor traducción al asturianu.** Trátase d'un reconocimientu a la meyor traducción al asturianu d'obres orixinales escrites en llingua diferente de la castellana o del eonaviegu editada y difundida nel añu 2023. Más información en <https://acortar.link/AM1fwF>